

## ხელშეკრულება სახელმწიფო შესყიდვების შესახებ №18-ბ/14

ქ.თბილისი

19 მაისი 2014 წელი

„სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ბ“ ქვეპუნქტის და „გამარტივებული შესყიდვის, განარტივებული ელექტრონული ტენდერისა და ელექტრონული ტენდერის ჩატარების წესის დანტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანებით დამტკიცებული წესის მე-3 მუხლის მე-2 პუნქტის „ბ“ ქვეპუნქტის საფუძველზე, შპს „საქართველოს გაერთიანებული სამელიორაციო სისტემის კომპანიის“ მიერ, საქართველოს მთავრობის 2014 წლის 13 თებერვლის #258 განკარგულებით გამოყოფილი ასიგნებების ფარგლებში, გამარტივებული შესყიდვის საშუალებით შესყიდვის განხორციელების მიზნით:

ერთის მხრივ შპს საქართველოს გაერთიანებული სამელიორაციო სისტემის კომპანია, წარმოდგენილი მისი დირექტორის ვაჟა კირტავას სახით, შემდგომში „შემსყიდველი“ და მეორეს მხრივ, ინდ. მეწარმე „დიმიტრი ხუციშვილი“, შემდგომში „მიმწოდებელი“, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. წინამდებარე ხელშეკრულების საფუძველზე მიმწოდებელი თანახმაა მიაწოდოს შემსყიდველს ბოლნისის მუნიციპალიტეტში (მოხსენებითი ბარათი შიდა #17878; წერილი #17572; ობიექტი: „კაზრეთის სარწყავი სისტემის კვ 89+06-ზე არსებული დიუკერისა და წყალმიმღების ავარიულ-აღდგენითი რემონტი“; განაცხადი #ა/10) დანართი N1-ით გათვალისწინებული თვითმცლელის დაქირავება (60181000 - სატვირთო მანქანების დაქირავება მძღოლთან ერთად) შემდგომში „მომსახურება“, ხოლო შემსყიდველი კისრულობს ვალდებულებას მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.

### 2. მომსახურების ღირებულება

- 2.1. სავარაუდო მთლიანი სახელშეკრულებო თანხა მიმწოდებლისათვის საქართველოს კანონმდებლობით დადგენილი ყველა გადასახადის გათვალისწინებით შეადგენს 1800 (ათას რვაასი) ლარს.
- 2.2. მომსახურების დასახელება, რაოდენობა, ერთეულის ფასი და საერთო ფასი განისაზღვრება დანართი N1-ის მიხედვით, რომელიც წარმოადგენს წინამდებარე ხელშეკრულების განუყოფელ ნაწილს.
- 2.2. გასაწევი მომსახურების სავარაუდო მოცულობა შეადგენს 12 დღეს.
- 2.3. გასაწევი მომსახურების ერთეულის ფასი (1 დღის ღირებულება) შეადგენს 150 ლარს საქართველოს კანონმდებლობით დადგენილი ყველა გადასახადის ჩათვლით.
- 2.4. სპეც/ტექნიკას მომსახურების პერიოდში დიზელის საწვავით უზრუნველყოფს შემსყიდველი.



### 3. მომსახურების მიღება-ჩაბარება

- 3.1. მომსახურება ჩაითვლება მიღებულად მას შემდეგ, რაც შემსყიდველის მიერ უფლებამოსილი პირი (პირები) და მიმწოდებელი (წარმომადგენელი) ხელმოწერებით დაადასტურებენ მომსახურების გაწევის შესაბამის დოკუმენტაციას (მიღება-ჩაბარების აქტი), სადაც ასახული იქნება ამ ხელშეკრულების პირობის გათვალისწინებით გაწეული მომსახურების დღიური მაჩვენებელიც.
- 3.2. მიღება-ჩაბარებას ახორციელებენ სათანადოდ უფლებამოსილი პირები, რომლებიც აფორმებენ შესაბამის აქტს გაწეული მომსახურების ხარისხისა და მოცულობის მიხედვით.
- 3.3. მომსახურების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. შემსყიდველი ვალდებულია ოპერატიულად, სიტყვიერი და/ან წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების შესახებ, წუნდების მიზეზის მითითებით.

### 4. მომსახურების მიწოდების ვადები და ადგილი

- 4.1 მომსახურების მიწოდება ხორციელდება ხელშეკრულების ხელმოწერის დღიდან, შემსყიდველის მოთხოვნის შესაბამისად, არაუგვიანეს 2014 წლის 30 ივნისის ჩათვლით.
- 4.2. მომსახურების მიწოდება ხორციელდება შემდეგ მისამართზე: ბოლნისის მუნიციპალიტეტი, კაზრეთი (ობიექტი: „კაზრეთის სარწყავი სისტემის 3კ 89+06-ზე არსებული დიუკერისა და წყალმიმღების ავარიულ-აღდგენითი რემონტი“)

### 5. გარანტია

- 5.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი და შეესაბამება აღნიშნული მომსახურების გაწევისათვის დადგენილ მოთხოვნებსა და სტანდარტებს.
- 5.2. მიმწოდებელი ვალდებულია შემსყიდველის მხრიდან სიტყვიერი და/ან წერილობითი შეტყობინების მიღებისთანავე განახორციელოს წუნდებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

### 6. ანგარიშსწორება

- 6.1 ანგარიშსწორება მიმწოდებელთან განხორციელდება მომსახურების ან მისი ნაწილის მიწოდების შემდეგ 10 (ათი) დღის განმავლობაში, შესაბამისი შუალედური და საბოლოო მიღება-ჩაბარების აქტის გაფორმებისა და მიმწოდებლის მიერ საგადასახადო ანგარიშფაქტურის (იმ შემთხვევაში თუ მიმწოდებელი დ.ღ.გ.-ს გადამხდელია) წარდგენის საფუძველზე, რომლის ანგარიშსწორებაც მოხდება საქართველოს მთავრობის 2014 წლის 13 იებერვლის #258 განკარგულებით გამოყოფილი ასიგნებების ფარგლებში.
- 6.2 ანგარიშსწორება განხორციელდება უნაღდო ანგარიშსწორების ფორმით.
- 6.3 ანგარიშსწორება მიმწოდებელთან განხორციელდება ლარებში.



## **7. ხელშეკრულებაში ცვლილებების შეტანა**

7.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## **8. უფლებების გადაცემა**

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

## **9. ხელშეკრულების შესრულების შეფერხება**

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **10. მხარეთა პასუხისმგებლობა**

10.1. ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

10.2. წინამდებარე ხელშეკრულების 4.1. პუნქტით გათვალისწინებული მომსახურების მიწოდების ვადის დარღვევის გამო, მიმწოდებელი კისრულობს პასუხისმგებლობას გადაუხადოს პირგასამტეხლო შემსყიდველს ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

10.3. წინამდებარე ხელშეკრულების 6.1. პუნქტით გათვალისწინებული ანგარიშსწორების ვადის დარღვევის გამო, შემსყიდველი კისრულობს პასუხისმგებლობას გადაუხადოს პირგასამტეხლო მიმწოდებელს შეუსრულებელი ვალდებულების 0,1%-ის ოდენობით, ყოველ ვადაგადაცილებულ დღეზე.

10.4. იმ შემთხვევაში თუ, მიმწოდებლისთვის წინამდებარე ხელშეკრულების 10.2. პუნქტით გათვალისწინებული პირგასამტეხლოს ჯამი შეადგენს სახელშეკრულებო ღირებულების 3 %-ს შემსყიდველი უფლებამოსილია ცალმხრივად შეწყვიტოს ხელშეკრულება.



## **11. ხელშეკრულების შეწყვეტა მისი პირობების შეუსრულებლობის გამო**

- 11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:
- 11.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;
  - 11.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - 11.3.2. მიმწოდებლის გაკოტრების შემთხვევაში;
  - 11.3.3. საქართველოს კანონმდებლობით გათვალისწინებულ სხვა შემთხვევებში.

## **12. ხელშეკრულების შესრულების კონტროლი**

- 12.1 შემსყიდველს უფლება აქვს მიმწოდებლის მიერ მომსახურების გაწევისას, განახორციელოს ტექნიკური კონტროლი. კონტროლს ახორციელებენ შემსყიდველის წარმომადგენლები: აღმოსავლეთ საქართველოს საექსპლუატაციო, სარეკონსტრუქციო-სარეაბილიტაციო სამუშაოების სამმართველოს უფროსი ვახტანგ ლომთაძე შემდგომში „ინსპექტირების განმახორციელებელი პირი“.
- 12.2. ინსპექტირების ჯგუფის ფუნქციებია:
- 12.2.1. გაუწიოს კონტროლი მომსახურების მოწოდების ვადების ხელშეკრულების მოთხოვნებთან შესაბამისობის დადგენას.
  - 12.2.2. დაადგინოს შეესაბამება, თუ არა მიწოდებული მომსახურება ხელშეკრულების მოთხოვნებს.
  - 12.2.3. მიღება-ჩაბარების აქტის საფუძველზე უზრუნველყოს მიწოდებული მომსახურების მიღება.
- 12.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 12.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

## **13. ფორს-მაჟორი**

- 13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2 ამ მუხლის მიზნებისათვის „ფორს-მაჟორი“ ჩიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით,



სტიქიური მოვლენებით, ეპიდემიით, კარანტინით და მომსახურების გაწვევისთვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

**14. სადაო საკითხების გადაწყვეტა**

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

**15. ხელშეკრულების მოქმედების ვადა**

ხელშეკრულება ძალაში შედის მხარეთა მიერ მისი ხელისმოწერის დღიდან და მოქმედებს 2014 წლის 31 დეკემბრის ჩათვლით.

**ხელშეკრულება შესრულებულია და ხელმოწერილია ორ ეგზემპლარად რომლებიც ინახება ხელშეკრულების მონაწილე მხარეებთან.**

**მხარეთა იურიდიული მისამართები და საბანკო რეკვიზიტები**

**„შემსყიდველი“**

**„მიმწოდებელი“**

შ.პ.ს „საქართველოს გაერთიანებული სამელიორაციო სისტემების კომპანია“  
საიდენტიფიკაციო კოდი 204524568  
მისამართი ქ. თბილისი, მე-2 ხეივანის 4  
ს/ს საქართველოს ბანკი  
ბანკის კოდი: BAGAGE22  
ა/ა: GE58BG000000182323100

ინდ. მეწარმე „დომიტრი ხუციშვილი“  
საიდენტიფიკაციო კოდი: 10001051230  
მისამართი: ბოლნისი, ა. ოჩხიკაძის ქ. #75  
ს/ს საქართველოს ბანკი  
ბანკის კოდი: TBCBGE22  
ა/ა: GE05TB7783345063600021



დირექტორი: ვაჟა კირტავა

ინდ. მეწარმე „დომიტრი ხუციშვილი“



2014 წლის 19 მაისის

N18-ბ/14 ხელშეკრულების

დანართი N1

№	ავტო/თვითმცლელი	ერთი დღის მომსახურების ღირებულება	სავარაუდო დღეების რაოდენობა	სულ მომსახურების ღირებულება
	თვითმცლელი „ივეკო 340-34“ (სახ. #LLD-852; დასაშვები წონა 32000 კგ, დაუტვირთავი წონა 13400 კგ))	150 ლარი	12 დღე	1800 ლარი
სულ:				1800 ლარი

„შემსყიდველი“

შ.პ.ს „საქართველოს გაერთიანებული  
სამელიორაციო სისტემების კომპანია“



დირექტორი: ვაჟა კირტავა

„მიმწოდებელი“

ინდ. მეწარმე „დიმიტრი ხუციშვილი“